





FREDERIK MULLER.  
Librairie Ancienne  
AMSTERDAM,  
HEERENGRACHT KK No. 130.



REGI PACIFICO;  
LVDOVICO XVI.

**A**LMA, serenato dispellens nubila cœlo,  
Et læta fulgens gentibus,  
Salve, salve, olea frontem redimita virenti,  
Pax, mater, altrix artium:  
Optima tu rerum, innumeris potiorque triumphis,  
Bellona quos jactat furens!  
Te repetunt veniente Orcum feralis Erinnyes,  
Frustra aridas quassans faces;  
Tisiphoneque comas atris intexta colubris:  
Dum Portitor frendet vorax.  
Te matres in vota piæ, timidæque sorores,  
Fidæque te nuptæ vocant.  
Te comitata pari sectatur Copia passu,  
Blandumque ridens Faustitas:

A

Nec

Nec sincera Fides, festivi aut gratia lusus;  
Innoxiae absunt joci.  
O Patriæ spes una & amor, Lodoice, voluptas,  
Totius & mundi decus,  
Illa tuis, Princeps, debemus munera curis;  
Tu bella, tu frenas necesse!  
Per Te, quod rigido dudum depressa tyranno,  
Jam libera attollit caput  
Ad Boream longo vergens America tractu.  
Per Te, quod exutus iugo  
Spumeus Oceani ridet moderator, & omnes,  
Terrore misso, navitas  
Allicit in sua regna, undis animosus apertis,  
Qua flammeum Solis jubar  
Quadrijugo micat a curru tenebrasque repellit;  
Quaque occidit mersum vado.  
Per Te, quod nimium securus Belga, rapinis  
Nudatus infandum in modum,  
Ludibrium inviso totus spoliūque Britanno  
Non est coactus cedere.  
Ter, quater, ô tanto felicem Principe Gallum,  
Qui pristinum regni decus  
Instauratque augetque, remotas & tibi terras  
Firmis adunat vinculis!

Hunc



Hunc columen sibi Libertas, hunc grata patronum,  
 Hunc prædicabit vindicem,  
 Pendula dum tenui librabitur aëre tellus;  
 Dum pulcer ortum Lucifer  
 A matutinis anteibit roscidus horis,  
 Extinguet & stellas polo.  
 Diva Salus! cuncti te supplice thure rogamus,  
 Tu fospita carum caput:  
 Tu volucres Fati pennas in publica Regi  
 Longum retardes commoda.  
 Larga Ceres sic ditet agros, tranquillus inertem  
 Dum rusticus glebam fecat:  
 Undique carpat iter terra pelagoque viator,  
 Latrone nullo territus:  
 In commune bonum sacrato fœdere gentes  
 Irrupta jungat copula;  
 Relligioque, Pudorque, & fraudis nescia Virtus  
 Felicibus connubiis  
 Increfant vigeantque, & in aurum sæcula priscum  
 Conversa, mortales beent.

P. H. MARRON,

Parisiis, ix Kal. Febr.

Belgico, Belga, Legato a Sacris.

CICIDCCCXXCIII.

Jan. 24. 1783.

- 12495 -

E783  
M361 r  
1-SIZE







